

## 培塿集

### 初冬三首

一

短檠相對迓朝暉。紆鬱思懷返忽微。世底波瀾猶泛泛，雲中鷗鷺遠飛飛。  
迺邇未解彈鱗鋏，胸臆可悲存腹誹。識得阮生窮道泣，少年曾效魯戈揮。

二

已負深衷十載期。栖遑窮達止何時。兔爰冉冉將焉適，漢廣悠悠莫彼思。<sup>1</sup>  
雨幕開冬蕭索意，人間戢羽峭寒枝。春秋遞嬗推懷抱，冷暖癡痕靜入詩。

註：〈王風 兔爰〉：有兔爰爰，雉離于羅。

〈周南 漢廣〉：漢之廣矣，不可泳思。江之永矣，不可方思。

三 習用〈雪後書北臺壁其一〉韻

消沉晚雨轉廉纖。影抱青燈思欲嚴。筆腐不能司馬賦，才疏難擬謝家鹽。<sup>1</sup>  
終朝碌碌人如穀，長夜悒悒冷浸簷。胸次翻瀾非復昔，米珠生活鈍毫尖。

註：〈神思〉：相如含筆而腐毫，揚雄輟翰而驚夢。

### 霧霾圓夜

緇紗過月身，疑沆在煙塵。俯世冰霜冷，至今魂魄新。  
峻嶒安可攬，迢遞欲相瞋。紫霧騰樓海，閻浮遍失津。

### 霧霾失棲

吞樓氣勢倏恢恢。一片祥和看不開。秋色幽懷云縹緲，市容華采在塵埃。  
人間忐忑雲中路，國界迷離霧底災。時局晦茫誰拾難，得望明月佇高臺。

### 丙申年強飈三首

#### 一 登臺

氣旋瀛外怒濤翻。紅塔摧腰入海吞。解纜顛狂推舸去，櫻樓靡盬破窗掀。1  
風飈速禍天昏覺，雨暴頹垣路失魂。搖蕩東寧秋愈冷，如何蕭颯問瘡痕。

註：〈唐風 鴛羽〉：王事靡盬，不能蓺黍稷。

#### 二 中秋前夕

一撼乾坤颯撲秋。頃時翻覆只何留。市廛黯淡燈低喟，街樹遍殘城迴愁。  
雨矢如麻追月節，冰蟾失魄沒風樓。倦思橐籥多傾蕩，天地波瀾誰主浮。1

註：〈文賦〉：同橐籥之罔窮，與天地乎並育。

#### 三 杉林鄉田

風吼濁潮過堰來。平疇事輟遍農哀。田禾飽淚唯匍匐，雨腳宣威肆折摧。  
人履徘徊塍上苦，水塘空廓瞬間開。義輪重輾雲途際，淖底耕耘認劫灰。

### 記瑠公圳

風霜砥遍為澆疇。盆底生機似脈流。俯仰人間陵谷易，興衰世道古今侔。  
渠身幾段沉青史，光景多年隨白漚。醉月湖懷更迭事，繁華萬頃不相留。

### 重過至善園

春盡廉纖欲網存。故宮留取幾黃昏。山青已付靄雲破，波澤迭來胸臆翻。  
偃蹇身孤登閣榭，棲遲心晚賸瘡痕。長驅日月雙輪轉，何若園中一蝶魂。

### 清明落桃

託萼浮沉何處根。濁潮時候覓桃源。飄零菲瓣猶紅字，漂蕩寒波沒哭痕。  
梅有詩留千縷馥，爾無春住一絲溫。東風不與誰長約，細雨漣漣空斷魂。

### 臺北車站憶別

轉瞬景殊無絕埃。潮中倚柱候誰來。經年迢遞黃昏約，取次依稀青鬢哈。  
誠品久耽一隻影，鴻泥相疊幾重灰。塵風不息愁懷各，歧路憶曾清鬢開。

### 巫山寫生三首

#### 一 神女峰

千年汲得重巖美，神女何端垂淚顏。江遠浮天望不盡，蒼涼唯爾坐雲間。

#### 二 神女溪

莽莽深清鍾一流，塵埃未蹈走青虬。雲繚霧擾猶摠卷，逐麓逶迤幾幅幽。

#### 三 翠屏峰

吐納高嵐峰路迴。車行若鎖縛山隈。蒼龍百突嶙峋骨，軒邈相爭弗可摧。